

ԱՐԹՈՒՆ ՄՆԱՅԵՔ ՈՒ ԱՂՈԹԵՔ

ՍՈՒՐԲԳՐԱՅԻՆ ՀԱՏՎԱԾ. ՄԱՐԿՈՍ 13.33-37

33 Չգնյշ եղեք, արթուն մնացեք ու աղոթեք, որովհետև չգիտեք, թե ժամանակը երբ է գալու: 34 Ինչպես այն մարդը (Յիսուսը), որ հեռու աշխարհ գնալիս իր տունը (եկեղեցին) կթողնի, իր ծառաներին (ձեզ) իշխանություն կտա, յուրաքանչյուրի համար իր գործը կսահմանի, իսկ դռնապանին (Յովվին) կիրամայի, որ արթուն մնա: 35 Արդ, արթուն կացեք, քանի որ չգիտեք, թե տանտերը (Յիսուսը) երբ կգա՝ երեկոյան, թե՛ կեսգիշերին, աքլորականչին, թե՛ առավոտյան: 36 Չլինի թե հանկարծակի գա և ձեզ քնած գտնի: Եվ ինչ որ ձեզ ասում եմ, բոլորին եմ ասում՝ արթուն կացեք:

- Այս հատվածում Յիսուսը չորս անգամ կոչ է անում արթուն մնալ:
- Մատթեոս 25-ում տաս կույսերի առակը նշում է զգուշության և պատրաստ լինելու կարևորության մասին:

Մատ. 25 - 5 Եւ երբոր փեսան ուշացավ, **ամենքը թմրեցին եւ քնեցին**: 6 Եւ կէս գիշերին աղաղակ եղավ՝ Ահա փեսան գալիս է. դուրս եկէք նորան դիմավորելու: 10 Եւ երբոր նորանք գնացին գնելու, փեսան եկավ. եւ պատրաստները նորա հետ հարսանիքը մտան, եւ դուռը փակվեց:

Հայտ. 3.3 – Եթե արթուն չմնաս, գողի պես գալու եմ քո վրա, և բնավ չես իմանալու, թե որ ժամին եմ գալու քո վրա:

Հռ. 13.11 – Ժամանակի հետ կապված՝ սա՛ էլ իմացեք. արդեն քնից զարթնելու ժամն է, որովհետև այժմ փրկությունը մեզ ավելի մոտ է, քան այն ժամանակ, երբ հավատացինք:

I. ԱՐԹՈՒՆ ՄՆԱՅԵՔ ՈՒ ԱՂՈԹԵՔ:

Պողոս առաքյալը Եփեսացիներին գրում է հոգևոր պատերազմի մասին: Նա նկարագրում է Աստծո սպառազինությունը: Բայց շատերը մոռանում են այս հատվածի ավարտը.

«18 Ամեն աղօթքով եւ աղաչանքով աղօթք արէք ամեն ժամանակ Սուրբ Հոգով.»:

Այսօր ուզում եմ ձեզ հետ կիսվել այս կարևոր միտքը. **Աստծո սպառազինությունը անբաժան է խորը աղոթքի կյանքից**:

(1) ԱՂՈԹՔԸ ԶԻՆՎՈՐԻՆ ՊԱՏՐԱՍՏՈՒՄ Է ՍՊԱՌԱԶԻՆՎԵԼՈՒ:

- Աղոթքը հոգևոր զորավարություն է:
- Առանց աղոթքի հավատացյալը մերկ է և խոցելի:
- Աղոթքն օգնում է մեզ գիտակցել մեր պատերազմի լրջությունը:
 - Մովսեսը բարձրացնում էր ձեռքերը աղոթքի մեջ և Իսրայելը հաղթում էր (Ելից 17):
 - Հեսուն չի բավարարվում կիսատ հաղթանակով: «Արե՛վ, կանգնի՛ր Գաբոնի վրա»:
 - Յովսափատը վախենում է, բայց դեմ է կանգնում Տիրոջ առաջ աղոթքով և ծոմով. ամբողջ ժողովուրդը հավաքվում է Տիրոջ առաջ:

(2) ԱՂՈԹՔԸ ԶՈՐԱՑՆՈՒՄ Է ՍՊԱՌԱԶԻՆՈՒԹՅՈՒՆԸ:

- Պողոս ասում է. «Զորացեք Տիրոջով»:
- Զինվորն ամեն ինչ կարող է կրել, բայց եթե նա չունի հրամանատարի հետ կապը, չի իմանա երբ, ինչպես ու ում դեմ կռվել: Աղոթքը այդ կապն է՝ զորքի հրամանատարի հետ:
- Նախագահի «SITUATION ROOM» նման է եկեղեցում աղոթքի ծառայությանը:
- Առանց աղոթքի սպառազինությունը պարզապես ցուցադրական է:

Ահա թե ինչու Զիսուան ասաց. Զգույշ եղեք, արթուն մնացեք ու աղոթեք.

34 Ինչպես այն մարդը (Զիսուաը), որ հեռու աշխարհի գնալիս իր տունը (եկեղեցին) կթողնի, իր ծառաներին (ձեզ) **իշխանություն** կտա, յուրաքանչյուրի համար իր գործը կսահմանի.

II. ՏԵՐԸ ՄԵՋ ՍՊԱՌԱԶԻՆՈՒՄ Է ԱՂՈԹՔԻ ՄԻՋՈՑՈՎ և ՏԱԼԻՍ Է ԻՐ ԻՇԽԱՆՈՒԹՅՈՒՆԸ:

(1) ՏԵՐԸ ԳՆԱՑ, ԲԱՅՑ ԻՐ ՏՈՒՆԸ ԶԹՈՂԵՑ ԱՆՏԵՐ:

- «Տունը» խորհրդանշում է Նրա թագավորությունը, եկեղեցին:
- Սուրբ Զոգին մեզ հետ է՝ հաստատելու այդ իշխանությունը:

(2) ԻՐ ԾԱՌԱՆԵՐԻՆ ԻՇԽԱՆՈՒԹՅՈՒՆ «EXOUSIA» ԿՏԱ:

- Իշխանությունը մեր կարողությունը չէ, այլ Նա է տվել այն:
- Իշխանություն՝ Ավետարանի քարոզի, հիվանդներին բժշկելու, դներին հանելու, մեղքին հաղթելու համար:

Մատթեոս 28.18-19. «Ինձ տրվեց ամեն իշխանություն երկնքում և երկրի վրա. Գնացեք...»

Զիսուա ասում է՝ «Ձեզ իշխանություն եմ տալիս, որ օձերի ու կարիճների վրա գնաք և թշնամու բոլոր զորության վրա, և ոչինչ ձեզ չի վնասի» (Ղուկաս 10.19):

Նրա իշխանությունն է, որը գործում է մեզ միջոցով:

(3) «ՅՈՒՐԱՔԱՆՉՅՈՒՐԻ ԶԱՄԱՐ ԻՐ ԳՈՐԾԸ ԿՍԱՅՄԱՆԻ»:

- Յուրաքանչյուր ծառա ունի իր գործը. ամեն հավատացյալ կոչված է ծառա լինելու:
- Քո ծառայությունն յուրահատուկ է. Աստված տվել է քեզ հանձնարարություն:

Տերը իր ունեցվածքը վստահում է իր ծառաներին՝ «յուրաքանչյուրին իր կարողության չափով» (Մատթեոս 25.14-30 Առակ տաղանդների մասին): 5, 2, 1

Պետրոս.

- Գօտիդ կապիր
- Հագիր հողաթափերդ ոտներիդ,
- Հանդերձներդ քեզ վրա գցիր եւ իմ ետեւից եկ:

Աղոթք.

«Տեր Հիսուս, շնորհակալ եմ, որ դու ինձ իշխանություն ես տվել ծառայելու, հաղթելու և քո Թագավորությունը առաջ տանելու համար: Օգնիր ինձ ծանաչելու իմ կանչը, լինելու արթուն և հավատարիմ՝ սպասելով քո գալստյանը: Ամեն»:

ԻՆՉ Է ԱՍՈՒՄ ՍՈՒՐԲ ՀՈԳԻՆ ՔԵՉ ԱՅՍ ՊԱՏԳԱՄԻ ՄԻՋՈՅՈՎ